



Posbus 7113, Newtonpark, 6055  
Telefoon (041) 3651233  
Faks (041) 3652586  
h/v Willetstraat en 4de Laan, Newtonpark, 6045

*Uitnemendheid begin by omgee*

## NUUSBRIEF 3 31 Januarie 2020

### UIT DIE KANTOOR

Geagte Ouers

#### **KLEURE-ATLETIEK**

Baie dankie aan almal wat bygedra het tot die kleure-atletiek se groot sukses. Ek wil veral Mnr. Westraadt bedank wat aan die hoof gestaan het van die byeenkoms, vir al die reëlings wat hy getref het. Dit was vir my mooi om al die ouers te sien wat daar was om hul kinders te ondersteun. Dit was vir die kinders baie spesiaal.

#### **NUUSBRIEWE**

Ek is baie teleurgesteld in hoe ouers hul nuusbriewe, sportprogramme en sms-boodskappe lees! Ons doen werklik baie moeite om alle ouers ingelig te hou oor al die bedrywighede van die skool. Die hoeveelheid oproepe wat die sekretaresses per dag hanteer oor inligting wat in die nuusbriewe was, of wat aan ouers per sms gestuur is, is skrikwekkend. Ek wil u weer vriendelik versoek om die nuusbriewe deeglik te bestudeer en om alle belangrike datums en inligting aan te teken.

#### **OOV/KLASVERTEENWOORDIGERS 2020**

Baie geluk aan die onderstaande ouers wat in die volgende ampte verkies is tydens die OOV/Klasverteenvoerders vergadering gehou op Woensdag, 29 Januarie 2020.

**Voorsitter:** Mev. Sulene Camarinos

**Onder-Voorsitter:** Mev. Jeanette Scheepers

**Sekretaresse:** Mev. Veronica Smit

Alle ouers wat aangedui het om klasverteenvoerders te wees, sal in die loop van volgende week 'n briefie ontvang. Ons versoek u om die skeurstrokie te voltooi en so gou moontlik vir ons terug te stuur. Die volgende OOV-klasverteenvoerders vergadering sal op Woensdag, 5 Februarie om 17:30, plaasvind.

#### **TENNIS: OUER-EN-KIND-AAND, VRYDAG 31 JANUARIE**

Vanaand "slaan" ons af met die eerste ouer-en-kind-tennis-aand van 2020 wat om 18:00 onder ligte by die sportveld gehou word. Soos vantevore sal kos en koeldrank te koop wees. Hierdie geleentheid was verlede jaar baie goed ondersteun en ons sien uit daarna om hierdie kwartaal weer 'n hele rits splinternuwe paartjies op die "baan" te verwelkom.

## **FOTO'S: WOENSDAG, 12 FEBRUARIE 2020**

Enkel- en klasfoto's word op bogenoemde datum geneem.

Die leerlinge moet boeke soos vir 'n gewone skooldag bring. Ons wil u versoek om ons te help sodat u kind korrek vir die dag geklee is. Slegs leerlinge wie korrek geklee is, sal afgeneem word. Ons vertrou u sal meehelp om 'n teleurstelling te voorkom.

Graad R: volledige somerspeeluniform met wit tekkies (geen ander skoeisel nie, asb.).

Graad 1 – 7: seuns en dogters moet hul volledige somersdrag aanhê. **(Baadjie asb.)**

Die korrespondesie van die foto's is reeds op Donderdag, 30 Januarie 2020 aan elke kind gegee.

## **SNOEPIE-HULP**

Die snoepie maak staat op ouerhulp wat dringend benodig word. Persone beskikbaar kan Christa Slabbert by 076 6873 699 skakel.

## **KOSSAKKIES**

Die klerewinkel het bevestig dat daar 25 kossakkies ontvang is en die koste beloop R155 elk. Ons sal weer kommunikeer wanneer die res van die bestelling ontvang is.

## **SKOOLKOMMUNIKEERDER**

Ons herinner u dat hierdie elektroniese program **ons hoof medium van kommunikasie met u is.**

Hierdie program verskyn elke oggend op u skerm en u kan dan sien watter boodskappe uitgestuur is en ook wat op die kalender gaan plaasvind. Die program sal ook gebruik word om dringende boodskappe aan u te stuur. In so 'n geval verskyn daar onmiddellik 'n kennisgewing op u skerm. Die program kan bestuur word sodat u slegs inligting ontvang wat op u van toepassing is.

## **HOE OM U "SCHOOL COMMUNICATOR" TE INSTALLEER:**

Laai die School Communicator af in 7 eenvoudige stappe:

### **STAP 1**

Gaan na [www.school-communicator.com/downloads](http://www.school-communicator.com/downloads) en kies die skool waarby u betrokke is.

### **STAP 2**

Kies u bedryfstelsel. (Mac of Windows)

### **STAP 3**

Kies die "Save" opsie om die lêer op u rekenaar te stoor.

### **STAP 4**

Sodra die lêer klaar afgelaai het, klik "Run" in die opwipkieslys

OF

Klik twee keer op die skoolwapen om die program te aktiveer.

### **STAP 5**

Sodra u dit gedoen het, sal die "Setup wizard" op u rekenaarskerm verskyn. Klik op "Next".

### **STAP 6**

Bevestig dat u die bepalinge en voorwaardes aanvaar deur die klein boksie te selekteer en klik weer op "Next".

### **STAP 7**

Om die installasieproses te voltooi, klik op "Finish".

Die "School Communicator" sal nou verskyn.

## **LAERSKOOL NEWTONPARK FACEBOOKBLAD**

Besoek gerus ons skool se amptelike facebookblad, @LaerskoolNewtonpark.co.za, die blad se profielfoto is die skoolwapen. Dis lekker om na foto's te kyk en met ons leerlinge te spog. Bly ook op hoogte met die nuutste gebeure.

## SKOOLGELDE 2020

Soos reeds aan u deurgegee, beloop die skoolgeld vir die jaar soos volg:

SKOOLGELDE: GRAAD 1 – 7				
	PER JAAR	10 MNDE	11 MNDE	
Eerste kind	R14 700	R 1 470	R 1 337	
Tweede kind	R13 400	R 1 340	R 1 219	
Derde kind	R 9 300	R 930	R 846	
<b>GRAAD R: MAANDELIKS VOORUITBETAALBAAR</b>				
Graad R (Maandeliks vooruit)	R14 700	R 1 470	R 1 337	
<b>NASORG: VRYWILLIGE PROGRAM: – KWARTAALLIKS VOORUIT BETAALBAAR</b>				
	PER JAAR	PER KWARTAAL	<b>MUSIEK: MAANDELIKS VOORUITBETAALBAAR</b>	
			<i>PERIODE(S) P/W</i>	<i>PER MAAND (10 MNDE)</i>
13:00/13:30 – 14:00	R 4 860	R 1 215		
14:00 – 17:30	R 7 160	R 1 790	1	R 190
13:00/13:30 – 17:30	R 8 360	R 2 090	2	R 295
			3	R 430

Op die verwysing van die inbetaling moet u asseblief die rekeningnommer en u kind se van en naam verskaf, en u bewys van betaling aan [fin@lnpark.co.za](mailto:fin@lnpark.co.za) e-pos.

Die volgende wyses van betaling is beskikbaar: maandelikse debietorder oor 10 of 11 maande. (Januarie/Februarie – November en is opbetaalbaar voor/op 30 November 2020. 'n Debetorder kan slegs op 'n tjek-/spaar-/transmissie rekening ingestel word.) Indien u kontant wil betaal kan u by Mev. Laas of direk in ons bankrekening betaal.

**Alle graad R-gelde is maandeliks vooruitbetaalbaar; en nasorggelde is kwartaalliks streng vooruitbetaalbaar.** Geen verligting word ten opsigte van hierdie dienste toegestaan nie, aangesien hierdie aktiwiteite deel van die skool se vrywillige program is.

Die betaling van skoolgelde is 'n wetlike verpligting (Staatskoerant no. 29311). Indien u in gebreke bly om u skoolgelde te betaal, sal dit wetlik afgedwing word.

## KRY KORTING OP SKOOLGELDE

Indien skoolgelde (graad R – 7) ten volle betaal word voor/op 29 Februarie 2020 sal 'n 10% korting toegestaan word, en indien ten volle betaal word voor/op 31 Mei 2020 'n 5% korting.

## AANSOEK OM VERLIGTING VAN SKOOLGELDE

Indien u om verligting van skoolgelde wil aansoek doen, moet u die nodige vorms by Mev. Laas afhaal en **voor of op 29 Februarie 2020**, vir oorweging deur die beheerliggaam, by haar inhandig. Die vorm móét van die nodige dokumentasie (o.a. bewys van inkomste) vergesel wees.

**Geen vrystellings wat in 2019 toegestaan is, word na 2020 oorgedra nie.**

## ELEKTRONIESE BETALINGS

REKENINGNAAM	<b>LAERSKOOL NEWTONPARK</b>
BANK	<b>ABSA</b>
REKENINGNOMMER	<b>1400490089</b>
TAKKODE	<b>632005</b>

Op die verwysing van die inbetaling moet u asseblief die rekeningnommer en/of u kind se van en naam en verskaf. 'n Bewys van betaling moet per e-pos na [fin@lnpark.co.za](mailto:fin@lnpark.co.za) gestuur word.

### GEDAGTES VIR DIE WEEK:

#### DRIE PRAKTIESE WENKE OM JOU KIND TE BEMOEDIG:

##### WENK 1: Kies om doelbewus positief van jou kinders te praat:

- *"If you want your children to improve, let them overhear the nice things you say about them to others" (Haim Ginott).*
- *"There are two lasting bequests we can give our children. One is roots. The other is wings" (Hodding Carter, Jr.)*

##### WENK 2: Maak seker dat jou kind weet dat jy hom of haar liefhet:

- *"Your children need your presence more than your presents" (Jesse Jackson)*
- *"What a child doesn't receive he can seldom give" (P.D. James)*

##### WENK 3: Moenie van die pret in die huis vergeet nie:

- *"Sing out loud in the car even, or especially, if it embarrasses your children" (Maillyn Penlanf).*



JJ. Pienaar  
SKOOLHOOF

E-pos: [skoolhoof@lnpark.co.za](mailto:skoolhoof@lnpark.co.za)

Tel : 0846935318

# ALGEMEEN

## BELANGRIKE DATUMS VIR VOLGENDE WEEK:

Die volgende datums moet u asseblief op u kalender aanteken:

- Ma – 3 Februarie : Klerewinkel: **07:30 – 12:00**  
Media/Biblioteek open  
Kuns graad 1 – 2: **13:30-14:30**  
Kuns graad 3: **14:00-15:00**  
Kuns graad 4 – 7: **14:15-15:00**
- Di – 4 Februarie : Kindermusiek graad R: **13:00 – 13:30**  
Krieket: 0/9 A+B teen Herbert Hurd (t)  
Kuns graad 1 – 2: **13:30-14:30**  
Kuns graad 3: **14:00-15:00**  
Kuns graad 4 – 7: **14:15-15:00**  
Skaak: graad 1 – 2: **13:30 – 14:15**  
Skaak: graad 3 – 7: **14:20 – 15:15**
- Wo – 5 Februarie : Klerewinkel: **12:00 – 14:30**  
Krieket: 0/13A teen Frans Conradie (t)
- Do – 6 Februarie : Krieket: 0/11A teen Frans Conradie (t)
- Vr – 7 Februarie : Klerewinkel: **07:30 – 12:00**  
Dance Kids ballet graad R: **9:45**  
Drama graad R – 2: **12:45 – 13:30**  
Drama graad 3 – 7: **12:45 – 13:45**  
Graad R familiebraai : **18:00**

# SPORT & KULTUUR

## KRIEKET

DATUM	SPAN	TEEN	UITSLAE
30 Januarie	0/11A	Muir College	Muir wen die loot en boul eerste. LNP slaan 95 lopies vir tien paaltjies. Muir word uitgeboul vir 66 lopies. LNP wen met 29 lopies. Beste kolwer: Reinhardt de Goede met 38 lopies Beste bouler: Jano Jansen van Vuuren met 4 paaltjies vir 9 lopies.
30 Januarie	0/13A	Muir College	Muir kolf eerste en teken 142 lopies aan. LNP word uitgeboul vir 59 lopies in die 14de boulbeurt. LNP verloor dus met 83 lopies

## OOS-KAAP JUNIOR KINDERKOOR

Alexis Venter in graad 4M is gekies vir die Ooskaap-junior-kinderkoor. Baie geluk!